



27. april 2007

Inatsisartut Suleriaasissaanni § 36 imm. 1 naapertorlugu Naalackersuisunut apeqquut imaattoq saq-qummiunniarpara:

**Inuit qassit piginnaanngorsarfiusumik ilinniartitaanernik naammassisimanersut pillugit Naalackersuisunut apeqquut**

(Inatsisartunut ilaasortaq Lene Knüppel, Demokraatit)

**Tunngavilersuut:**

Inatsisartuni partiit tamarmik isumaqatigiissappata isumaqataaffigisassaataq tassaassaaq pingaartineqartussaaq ilinniartitaaneq, ilinniartitaaneq sulilu ilinniartitaaneq.

Taamaattumik isumaqarpunga isumakuluutissaqalaartoq, tassa nalunaarusiap ”Piginnaanngorsarfiusumik ilinniartitaanerit 2006”, Naatsorsueqqissaartarfimmit saqqummiunneqartup takutimmagu ukiuni 2002-miit 2006-imut inuit piginnaanngorsarfiusumik ilinniartitaanernik naammassinnissimasut malunnartumik ikileriarsimasut.

Nalunaarusiami tabel 6-imi takutinneqarpoq 2002-mi katillutik inuit 509-t piginnaanngorsarfiusumik ilinniarnermik naammassinnissimasut. 2006-imi inuit 338-upput piginnaanngorsarfiusumik ilinniarnermik naammassinnissimasut. Inuit 171-it ikileriaataasimapput. Pingaartumik suliassatigut tunngaviusumik ilinniartitaanerit qaffasinnerusumillu ilinniartitaanerit sivikitsut malunnaatilimmik ikileriarfiusimapput.

Tamanna tunngavigalugu apeqquutit makkua akineqarnissaat kissaatigaara:

1. Inuit piginnaanngorsarfiusumik ilinniartitaanernik naammassinnissimasut malunnaatilimmik ikileriarsimanerannut suut pissutaappat? Pissutaasut nalinginnaasumik nassuiarneqarnissaat kiisalu immikoortunut ukununga pingasunut pissutaasut nassuiarneqarnissaat kissaatigineqarpoq: Suliassatigut tunngaviusumik ilinniartitaaneq, qaffasinnerusumik ilinniartitaanerit sivikitsut kiisalu qaffasinnerusumik ilinniartitaanerit.
2. Inuit piginnaanngorsarfiusumik ilinniartitaanernik naammassinnissimasut ikileriarnerrannut Naalackersuisut suliniutinik sunik aallartitsissallutik pilersaaruteqarpat?
3. Naalackersuisut suliassami allanik soqutigisaqarnerlutik nalunaaruteqarsinnaappat?

Apeqquutit tiguneqarnerminniit ullunik qulinik piffissalerlugit akineqarnissaat piumasarineqarpoq.